



«QO'QON BIOKIMYO»

aksiyadorlik jamiyati

акциядорларининг 2022 йил
30 июндаги йиллик умумий

йиғилишида

«ТАСДИҚЛАНГАН»

А.И.РҮЗИЕВ

Мажлис раиси

имзо

«QO'QON BIOKIMYO»

AKSIYADORLIK JAMIYATI

АКЦИЯДОРЛАРНИНГ УМУМИЙ
ЙИҒИЛИШИ ТҮГРИСИДАГИ

НИЗОМ

2022 йил

1. Умумий қоидалар.
2. Акциядорлар умумий йиғилишининг ваколатлари.
3. Умумий йиғилишда қатнашиш ҳуқуқи. Акциядорларни ва уларнинг ваколатли вакилларини рўйхатдан ўтказиш.
4. Акциядорларнинг йиллик умумий йиғилишини ўтказишга тайёргарлик кўриш.
5. Акциядорларнинг навбатдан ташқари умумий йиғилишини чақириш ва ўтказиш тартиби.
6. Умумий йиғилиш кворуми.
7. Умумий йиғилишнинг ишчи органлари ва унинг олиб бориш тартиби.
8. Акциядорлар умумий йиғилиши баёни.
9. Акциядорлар умумий йиғилиши қарорларини бажариш.
10. Якунловчи қоидалар.
1-Илова. Умумий йиғилишининг қайд қилиш рўйхати.
2-Илова. Бюллетень.
3-Илова. Ишончнома.
За-Илова. Ишончнома.
4-Илова. Хабарнома.
5-Илова. Акциядорларнинг умумий йиғилишининг кун тартибига таклифлар киритиши.
6-Илова. Акциядорларнинг навбатдан ташқари умумий йиғилишини чақириш тўғрисидаги акциядорларнинг талаби.
7-Илова. Кузатув кенгашининг ваколатлари муддатидан илгари тутатилишида акциядорларнинг навбатдан ташқари умумий йиғилишини чақириш тартибини ташкиллаштирилиши.

1. УМУМИЙ ҚОИДАЛАР

1.1. Мазкур Низом «QO’QON BIOKIMYO» aksiyadorlik jamiyati (матн давомида «Жамият» деб номланади) акциядорлар умумий йиғилишининг мақомини ва унинг ишини, уни ўтказиш ва қарорлар қабул қилиш тартибини белгилайди.

1.2. Низом «Акциядорлик жамиятлари ва акциядорларнинг ҳуқуқларини химоя қилиш тўғрисида»ги Ўзбекистон Республикаси Конунига, ҳамда Жамият Уставига ва амалдаги қонунчиликка асосан ишлаб чиқилган.

1.3. Жамият ҳар йили акциядорларнинг умумий йиғилишини (акциядорларнинг йиллик умумий йиғилишини) ўтказиши шарт.

1.4. Акциядорларнинг йиллик умумий йиғилиши жамият уставида белгиланган муддатларда, аммо молия йили тугаганидан кейин олти ойдан кечиктирмай ўтказилади. Акциядорларнинг йиллик умумий йиғилишида жамиятнинг Кузатув кенгашини ва тафтиш комиссиясини сайлаш тўғрисидаги, жамиятнинг коллегиал ижроия органининг аъзолари, билан тузилган шартноманинг муддатини узайтириш, уни қайта тузиш ёки бекор қилиш мумкинлиги ҳақидаги масалалар ҳал этилади, шунингдек жамиятнинг йиллик ҳисоботини, йиллик бизнес-режасини тасдиқлаш, жамиятнинг фойдаси ва заарларини тақсимлаш, кузатув кенгаши ва ижроия органининг жамиятни ривожлантириш стратегиясига эришиш бўйича кўрилаётган чора-тадбирлар тўғрисидаги ҳисоботлари, жамият кузатув кенгашининг ва тафтиш комиссиясининг ўз ваколат доирасига кирадиган масалалар юзасидан, шу жумладан, жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгашининг ҳисоботларини ва тафтиш комиссиясининг хулосаларини эшлиши ва бошқа ҳужжатлари кўриб чиқилади.

1.5. Акциядорларнинг йиллик умумий йиғилишидан ташқари ўтказиладиган умумий йиғилишлари навбатдан ташқари йиғилишлардир.

1.6. Акциядорларнинг умумий йиғилишини ўтказиш санаси ва тартиби, йиғилиш ўтказилиши ҳақида акциядорларга хабар бериш тартиби, акциядорларнинг умумий йиғилишини ўтказишга тайёргарлик вақтида акциядорларга бериладиган материалларнинг (ахборотнинг) рўйхати жамиятнинг Кузатув кенгаши томонидан белгиланади.

1.7. Акциядорларнинг умумий йиғилишини ўтказиш чоғида умумий йиғилишда, кун тартибидаги масалаларни муҳокама қилиш ва овозга қўйилган масалалар бўйича қарорлар қабул қилишда иштирок этиш имкониятини берадиган ахборот-коммуникация технологияларидан фойдаланилиши мумкин. Акциядорларнинг умумий йиғилишида ахборот-коммуникация технологияларидан фойдаланган ҳолда масофадан туриб иштирок этиш ва масофадан туриб электрон овоз беришнинг умумий тартиби қимматли қоғозлар бозорини тартибга солиш бўйича ваколатли давлат органи томонидан белгиланади.

2. АКЦИЯДОРЛАР УМУМИЙ ЙИҒИЛИШИННИГ ВАКОЛАТЛАРИ

Акциядорлар умумий йиғилишининг ваколат доирасига куйидагилар киради:

2.1. жамият уставига ўзгартиш ва қўшимчалар киритиш ёки жамиятнинг янги таҳрирдаги уставини тасдиқлаш;

2.2. жамиятни қайта ташкил этиш;

2.3. жамиятни тугатиш, тугатувчини (тугатиш комиссиясини) тайинлаш ҳамда оралиқ ва якуний тугатиш балансларини тасдиқлаш;

2.4. кузатув кенгашининг ва миноритар акциядорлар қўмитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;

2.5. жамият Кузатув кенгаши аъзоларига ўз вазифаларини бажариб турган давр учун хақ тўланиши ва (ёки) кузатув кенгаши аъзоси вазифаларини бажариш билан боғлиқ харажатларнинг ўрни қопланиши учун хақ ва тўловларнинг миқдорини белгилаш

2.6. эълон қилинган акцияларнинг энг кўп миқдорини белгилаш;

2.7. устав фондини кўпайтириш;

2.8. устав фондини камайтириш;

2.9. жамиятнинг жойлаштирилган акцияларини сотиб олиш;

2.10. жамиятнинг ташкилий тузилмасини тасдиқлаш, Жамиятнинг ижроия органи раҳбарини сайлаш (тайинлаш);

2.11. тафтиш комиссиясининг аъзоларини сайлаш ва уларнинг ваколатларини муддатидан илгари тугатиш, шунингдек, тафтиш комиссияси тўғрисидаги низомни тасдиқлаш;

2.12. жамият Тафтиш комиссияси аъзоларига хақ ва компенсацияларни миқдорини белгилаш;

2.13. жамиятнинг йиллик ҳисоботини, шунингдек жамият фаолиятининг асосий йўналишлари ва мақсадидан келиб чиққан ҳолда жамиятни ўрта муддатга ва узок муддатга ривожлантиришнинг аниқ муддатлари белгиланган стратегиясини тасдиқлаш;

2.14. жамиятнинг фойдаси ва заарларини тақсимлаш;

2.15. жамият кузатув кенгашининг ва тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан, жамиятни бошқаришга доир қонун ҳужжатларида белгиланган талабларга риоя этилиши юзасидан жамият кузатув кенгашининг ҳисоботларини ва тафтиш комиссиясининг (тафтишчисининг) хulosаларини эшлиши;

2.16. жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида қарор қабул қилиш;

- 2.17. қимматли қоғозларнинг ҳосилаларини чиқариш тұғрисида қарор қабул қилиш;
- 2.18. жамиятнинг корпоратив облигацияларини қайтариб сотиб олиш тұғрисида қарор қабул қилиш;
- 2.19. имтиёзли хуқуқни құлламаслик тұғрисида Ўзбекистон Республикасининг «Акциядорлик жамиятлари ва акциядорларнинг хуқуқтарини ҳимоя қилиш тұғрисида»ги Конунининг [35-моддасыда](#) назарда тутилган қарорни қабул қилиш;
- 2.20. Ўзбекистон Республикасининг «Акциядорлик жамиятлари ва акциядорларнинг хуқуқтарини ҳимоя қилиш тұғрисида»ги Конунининг [34-моддасыга](#) мувофиқ акцияларни жойлаштириш (ташкел этилган қимматли қоғозлар савдоларига чиқариш) нархини белгилаш;
- 2.21. акциядорлар умумий йиғилишининг регламентини тасдиқлаш;
- 2.22. акцияларни майдалаш ва йириклаштириш;
- 2.23. Ўзбекистон Республикасининг «Акциядорлик жамиятлари ва акциядорларнинг хуқуқтарини ҳимоя қилиш тұғрисида»ги Конунининг 8 – бобига асосан баланс қиймати ёки олиш киймати битим тузиш тұғрисида қарор қабул қилинаётган санада жамият соғ активлари миқдорининг эллик фоизидан ортигини ташкел этувчи мол-мулк хусусида йирик битим тузиш тұғрисидаги қарор қабул қилиш;
- 2.24. Ўзбекистон Республикасининг «Акциядорлик жамиятлари ва акциядорларнинг хуқуқтарини ҳимоя қилиш тұғрисида»ги Конунинг 9–бобига асосан Жамиятнинг аффилланган шахси билан битимлар тузиш тұғрисида қарор қабул қилиш;
- 2.25. мажбурий аудиторлық текширувани үтказиш учун аудиторлық ташкилотини белгилаш, ушбу ташкилотнинг хизматларига тұланадиган энг күп ҳақ миқдори ва у билан шартнома тузиш (шартномани бекор қилиш) тұғрисида қарор қабул қилиш;
- 2.26. корпоратив бошқарув кодекси тавсияларига риоя этиш мажбуриятини олиш тұғрисида қарор қабул қилиш ва хабарни ошкор қилиш шаклини тасдиқлаш;
- 2.27. жамиятнинг ички хужжатлари: акциядорлар умумий йиғилиши тұғрисидаги, кузатув кенгаши тұғрисидаги, ижроия органды тұғрисидаги, тафтиш комиссия тұғрисидаги, кузатув ва ижроия органды аъзоларини тақдирлаш тұғрисидаги, миноритар акциядорлар қўмитаси тұғрисидаги, ички назорат тұғрисидаги, ахборот сиёсати тұғрисидаги, дивиденд сиёсати тұғрисидаги, манфаатлар қарама-қаршилиги вақтида ҳаракат қилиш тартиби тұғрисидаги ва бошқа низомларини тасдиқлаш;
- 2.28. ҳар йили мустақил профессионал ташкилотлар – маслаҳатчиларни жалб қилған ҳолда бизнес-жараёнлар ва лойихаларнинг Жамиятнинг ривожланиш мақсадларига мувофиқлиги юзасидан таҳлил үтказиш тұғрисида қарор қабул қилиш;
- 2.29. жамиятнинг жорий хўжалик фаолияти билан боғлиқ битимларни белгилаш;
- 2.30. ҳомийлик (хайрия) ёки бегараз ёрдам кўрсатиш (олиш) тартиби ва шартларини белгилаш, уларни амалга ошириш ваколатини кузатув кенгашига бериш тұғрисида қарор қабул қилиш;
- 2.31. электрон почта орқали (электрон рақамли имзо билан тасдиқланған ҳолда), шунингдек, ўз ваколатини вакилга бериш йўли билан овоз бериш ёки умумий йиғилишини видеоконференц-алоқа тарзидан үтказиш тартибини белгилаш (тасдиқлаш);
- 2.32. саноқ комиссиясига амалий кўмак кўрсатиш ёки унинг функциясини бажариш учун мустақил экспертларни жалб этиш (масалан, инвестиция маслаҳатчиси ёки қимматли қоғозлар бозорининг бошқа профессионал иштирокчиси) тартибини белгилаш (тасдиқлаш);
- 2.33. жамият маблағлари ҳисобидан миноритар акциядорлик қўмитасини сақлаш харажатини қоплаш тұғрисида қарор қабул қилиш;
- 2.34. акциядорларнинг умумий йиғилишида ҳисобот берувчи Жамият бошқарув ва назорат органлари маъruzalari (ҳисоботлари) шакли ва мазмунига бўлган талабларни, акциядорлар умумий йиғилиши давомийлигини белгилаш;

- 2.35. жамият кузатув кенгаши тавсияси асосида жамиятнинг соф фойдаси ҳисобидан жамиятда ишловчи ишчи-хизматчиларни рағбатлантириш тўғрисида қарорлар қабул қилиш;
2.36. қонун ҳужжатларига мувофиқ бошқа масалаларни ҳал этиш.

3. УМУМИЙ ЙИҒИЛИШДА ҚАТНАШИШ ҲУҚУҚИ. АКЦИЯДОРЛАРНИ ВА УЛАРНИНГ ВАКОЛАТЛИ ВАКИЛЛАРИНИ РЎЙХАТДАН ЎТКАЗИШ

3.1. Акциядорларнинг умумий йиғилишида иштирок этиш ҳуқуқига акциядорларнинг умумий йиғилиши ўтказиладиган санадан уч иш куни олдин шакллантирилган жамият акциядорларининг реестрида қайд этилган акциядорлар эга бўлади.

3.2. Жамият акциядорларининг реестрига ўзгартиш ва қўшимчалар киритилишига йўл қўйилмайди, мазкур реестр шакллантирилган санада унга киритилмай қолган шахсларнинг бузилган ҳуқуқлари тикланган ёки реестрни шакллантиришда йўл қўйилган хатолар тузатилган ҳоллар бундан мустасно.

3.3. Акциядорларнинг умумий йиғилишида иштирок этиш ҳуқуқига жамият акциядорларининг реестрида қайд этилган акциядорлар (уларнинг вакиллари), жамият аудитори, Кузатув кенгаши, тафтиш комиссияси ва ижроия органининг аъзолари (агар овоз бериш бюллетенига киритилган номзодлар, яъни Кузатув Кенгаш аъзолари, тафтиш комиссияси ва ижроия органи раҳбарини мухокама қилганда уларнинг иштирок этиши таклиф этилади) эга.

3.4. Акциядорларнинг умумий йиғилишида иштирок этиш учун акциядорлар (уларнинг вакиллари) умумий йиғилиш ўтказиладиган вақт ва жойда рўйхатдан ўтишлари шарт.

3.5. Акциядорнинг вакили акциядорларнинг умумий йиғилишида ёзма шаклда тузилган ишончнома асосида иш юритади. Овоз беришга доир ишончномада ваколат берган ва вакил қилинган шахс тўғрисидаги маълумотлар (исми-шарифи ёки номи, яшаш жойи ёки жойлашган ери, паспортига ёки идентификацияловчи ID-картасига оид маълумотлар) бўлиши лозим. Жисмоний шахс номидан берилган овоз беришга доир ишончнома нотариал тартибда тасдиқланган бўлиши керак.

3.6. Жисмоний шахсларни акциядорларнинг умумий йиғилишида иштирок этиш учун рўйхатдан ўтказиш акциядорнинг шахсини тасдиқловчи паспорт, идентификацияловчи ID-картаси ёки бошқа ҳужжат асосида, уларнинг вакиллари эса акциядорнинг номидан берилган овоз беришга доир ишончнома нотариал тартибда тасдиқланган ҳолда амалга оширади. Акциядор акциядорларнинг умумий йиғилишидаги ўз вакилини исталган вақтда алмаштиришга ёки йиғилишда шахсан ўзи иштирок этишга ҳақлиdir.

3.7. Юридик шахс номидан овоз беришга доир ишончнома унинг раҳбарининг имзоси ва ушбу юридик шахснинг муҳри билан (муҳр мавжуд бўлган тақдирда) тасдиқланган ҳолда берилади.

3.8. Акциядор юридик шахснинг вакили акциядорлар умумий йиғилишида ташкилот раҳбарининг имзоси билан ёки бунга таъсис ҳужжатлари билан вакил қилинган бошқа шахснинг имзоси чекилган, ушбу ташкилотнинг муҳри билан тасдиқланган унинг номига берилган ишончнома мавжуд бўлган тақдирда қатнашиши мумкин.

3.9. Жамият акциядорлари реестрига биноан ушбу Низомнинг 1-иловасига кўрсатилган шаклда қайд этиш рўйхати тузилади. Қайд этиш рўйхати рисола ҳолига келтирилган, тартиб рақами қўйилган, ип ўтказиб тикилган ва акциядорлик жамияти муҳри билан тасдиқланган бўлиши керак.

3.10. Умумий йиғилишни ўтказишда акциядорлар (уларнинг вакиллари) қайд этиш рўйхатига имзо чекадилар ва жамият акциядорлари реестри маълумотлари бўйича белгиланган ҳар бир акциядорнинг овоз берувчи акциялари сонидан келиб чиқиб овоз бериш

учун ушбу Низомнинг 2-иловасида кўрсатилган шаклида бюллетен ёки бюллетенлар тўпламини оладилар.

3.11. Агар йиғилиш қатнашчиси бир ёки бир неча акциядорнинг манфаатларини ифодалашга ишончнома тақдим этса, у ҳолда унга у ифодалаётган акциядор (акциядорлар) учун овоз беришга бюллетень берилади, рўйхатдан ўтиш рўйхатида эса у ифодалаётган акциядорнинг фамилияси қаршиисига «_____ та (сони) овоз берувчи акциялар бўйича «____» да берилган ишончнома бўйича» деган ёзув қайд этилади ҳамда вакилнинг фамилияси, исми, отасининг исми кўрсатилади (З ва За иловалар).

3.12. Агар жамиятнинг акцияси бир нечта шахснинг умумий улушли мулкида бўлса, акциядорларнинг умумий йиғилишида овоз бериш ваколатлари уларнинг хоҳишига кўра умумий улушли мулк иштирокчиларидан бири ёки уларнинг умумий вакили томонидан амалга оширилади. Кўрсатиб ўтилган ҳар бир шахснинг ваколатлари тегишли тарзда расмийлаштирилган бўлиши керак.

3.13. Акциядорларга овоз бериш жараёнида ягона позицияни шакллантириш учун акциядорлик келишувлари тузиш имконияти берилади.

3.14. Умумий йиғилишида иштирок этувчи шахсга шундай шахс ҳисобидан ўзи тўлдиранг бюллетень нусхасини олиш имконияти берилади.

3.15. Акциядорлар вакили сифатида иштирок этаётган ижроия органи аъзолари ижроия органига аъзолар сайлаш масаласида овоз беришда иштирок этмайди.

4. АКЦИЯДОРЛАРНИНГ ЙИЛЛИК УМУМИЙ ЙИҒИЛИШНИ ЎТКАЗИШГА ТАЙЁРГАРЛИК КЎРИШ

4.1. Акциядорларнинг умумий йиғилишини ўтказишга тайёргарлик кўрилаётганда жамиятнинг Кузатув кенгаши қўйидагиларни белгилайди:

- умумий йиғилиш ўтказиладиган сана, вақт ва жойни;
- умумий йиғилишнинг кун тартибини;
- умумий йиғилиш ўтказиш учун жамият акциядорларининг реестри шакллантириладиган санани;
- умумий йиғилиш ўтказилиши ҳақида акциядорларга хабар қилиш тартибини;
- умумий йиғилишни ўтказишга тайёргарлик кўрилаётганда акциядорларга тақдим этиладиган ахборот (материаллар) рўйхатини;
- овоз бериш бюллетенининг шакли ва матнини;
- акциядорларнинг умумий йиғилишида иштирок этиш ва овоз бериш, шу жумладан ахборот-коммуникация технологияларидан фойдаланган ҳолда масофадан туриб иштирок этиш ва овоз бериш тартибини.

4.2. Акциядорларнинг умумий йиғилишини ўтказиш тўғрисидаги хабар акциядорларнинг умумий йиғилиши ўтказиладиган санадан камида йигирма бир кундан кечиктирмай, лекин узоги билан ўттиз кун олдин Корпоратив ахборотнинг ягона порталида, жамиятнинг расмий веб-сайтида ва оммавий ахборот воситаларида эълон қилинади, шунингдек акциядорларга электрон почта орқали юборилади.

Жамият акциядорнинг талабига кўра акциядорга у акциядорларнинг умумий йиғилишини ўтказиш учун шакллантирилган жамият акциядорларининг реестрига киритилганлиги тўғрисида ахборот тақдим этиши шарт.

4.3. Акциядорларнинг умумий йиғилишини ўтказиш тўғрисидаги хабарда қўйидагилар кўрсатилиши керак:

- жамиятнинг номи, жойлашган ери (почта манзили) ва электрон почта манзили;
- умумий йиғилиш ўтказиладиган сана, вақт ва жой;
- жамият акциядорларининг реестри шакллантириладиган сана;
- умумий йиғилиш кун тартибига киритилган масалалар;

➤ умумий йиғилишни ўтказишга тайёргарлик кўрилаётганда акциядорларга тақдим этилиши лозим бўлган ахборот (материаллар) билан акциядорларни таништириш тартиби;

➤ акциядорларнинг умумий йиғилишида иштирок этиш ва овоз бериш, шу жумладан ахборот-коммуникация технологияларидан фойдаланган ҳолда масофадан туриб иштирок этиш ва овоз бериш тартиби;

➤ Акциядорларнинг умумий йиғилишини ўтказишга тайёргарлик кўрилаётганда акциядорларга тақдим этилиши мажбурий бўлган қўшимча ахборотнинг (материалларнинг) рўйхати қимматли қоғозлар бозорини тартибга солиш бўйича ваколатли давлат органи томонидан белгиланиши мумкин.

➤ Акциядорларга берилиши лозим бўлган ахборотдан (материаллардан) акциядорларнинг умумий йиғилишида иштирок этадиган, шу жумладан ахборот-коммуникация технологияларидан фойдаланган ҳолда масофадан туриб иштирок этадиган шахслар акциядорларнинг умумий йиғилиши ўтказилгунига қадар ва уни ўтказиш вақтида фойдалана олиш имконияти тақдим этилади.

4.4. Акциядорларнинг умумий йиғилишини ўтказишга тайёргарлик кўрилаётганда акциядорларга тақдим этилиши лозим бўлган ахборотга (материалларга) жамиятнинг йиллик хисоботи, жамиятнинг йиллик молия-хўжалик фаолиятини текшириш натижалари юзасидан жамият тафтиш комиссиясининг (тафтищчисининг) ва аудиторлик ташкилотининг холосаси, жамият кузатув кенгашининг директор (бошқарув раиси), ишончли бошқарувчи билан тузилган шартноманинг амал қилиш муддатини узайтириш, шартномани қайта тузиш ёки бекор қилиш мумкинлиги тўғрисидаги холосаси, шунингдек жамиятнинг кузатув кенгаши ҳамда тафтиш комиссияси аъзолигига (тафтищчилигига) номзодлар тўғрисидаги маълумотлар, жамиятнинг уставига киритиладиган ўзгартиш ва қўшимчалар лойиҳаси ёки жамиятнинг янги таҳрирдаги устави лойиҳаси киради.

4.5. Акциядорлар умумий йиғилишининг кун тартибига таклифлар (5-иловага ассосан) Жамият овоз берувчи акцияларининг ҳаммаси бўлиб камида бир фоизига эгалик қилувчи акциядорлар (акциядор) жамиятнинг молия или тугаганидан кейин 120 (бир юз йигирма) кундан кечиктирмай акциядорларнинг йиллик умумий йиғилиши кун тартибига масалалар киритишга ҳамда жамият Кузатув кенгаши ва тафтиш комиссияси ҳамда миноритар акциядорлар қўмитасига бу органнинг миқдор таркибидан ошмайдиган тарзда номзодлар кўрсатишга ҳақли.

4.6. Акциядорлар умумий йиғилишининг кун тартибига масала уни қўйиш сабаблари, масалани киритаётган акциядорларнинг (акциядорнинг) исми-шарифи (номи), уларга тегишли акцияларнинг сони ва тури кўрсатилган ҳолда ёзма шаклда киритилади. Жамият Кузатув кенгашига ва тафтиш комиссиясига номзодлар кўрсатиш тўғрисида таклифлар киритилганда, шу жумладан ўзини ўзи номзод қилиб кўрсатилган тақдирда номзоднинг исми-шарифи, унга тегишли акцияларнинг сони ва тури (агар номзод жамият акциядори бўлса), шунингдек номзодни кўрсатаётган акциядорларнинг исми-шарифи (номи), уларга тегишли акцияларнинг сони ва тури кўрсатилади.

4.7. Жамиятнинг Кузатув кенгаши тушган таклифларни кўриб чикиши ҳамда қонунчиликда белгиланган муддат тугаганидан сўнг ўн кундан кечиктирмай уларни акциядорларнинг умумий йиғилиши кун тартибига киритиш тўғрисида ёки мазкур кун тартибига киритишни рад этиш ҳақида қарор қабул қилиши шарт.

4.8. Акциядорлар (акциядор) томонидан киритилган масала акциядорлар умумий йиғилишининг кун тартибига, худди шунингдек кўрсатилган номзодлар жамиятнинг Кузатув кенгашига ва тафтиш комиссиясига сайлов бўйича овоз бериш учун номзодлар рўйхатига киритилиши керак, куйидаги ҳоллар бундан мустасно:

➤ қонунчиликда белгиланган муддатга акциядорлар (акциядор) томонидан риоя этилмаган бўлса;

- акциядорлар (акциядор) жамиятнинг қонунчиликда назарда тутилган миқдордаги овоз берувчи акцияларининг эгаси бўлмаса;
- қонунчиликда назарда тутилган маълумотлар тўлиқ бўлмаса;
- таклифлар қонунчилик талабларига мувофиқ бўлмаса.

4.9. Жамият Кузатув кенгашининг масалани акциядорлар умумий йиғилишининг кун тартибига ёки номзодни жамият Кузатув кенгашига ва тафтиш комиссиясига сайлов бўйича овоз бериш учун номзодлар рўйхатига киритишни рад этиш тўғрисидаги асослантирилган қарори масалани киритган ёки таклиф тақдим этган акциядорларга (акциядорга) қарор қабул қилинган кундан эътиборан уч иш кунидан кечиктирмай юборилади.

4.10. Жамият Кузатув кенгашининг масалани акциядорлар умумий йиғилишининг кун тартибига ёки номзодни жамият Кузатув кенгашига ва тафтиш комиссиясига сайлов бўйича овоз бериш учун номзодлар рўйхатига киритишни рад этиш тўғрисидаги қарори устидан судга шикоят қилиниши мумкин.

5. АКЦИЯДОРЛАРНИНГ НАВБАТДАН ТАШҚАРИ УМУМИЙ ЙИҒИЛИШИНИ ЧАҚИРИШ ВА ЎТКАЗИШ ТАРТИБИ

5.1. Акциядорларнинг навбатдан ташқари умумий йиғилиши жамият Кузатув кенгашининг қарорига кўра:

- унинг ўз ташаббуси асосида;
- тафтиш комиссиясининг ёзма талаби;
- жамият овоз берувчи акцияларининг камидаги беш фоизига эгалик қилувчи акциядорнинг (акциядорларнинг) ёзма талаби асосида ўтказилади (6-иловага асосан).

5.2. Жамият тафтиш комиссиясининг ёки жамият овоз берувчи акцияларининг камидаги беш фоизига эгалик қилувчи акциядорнинг (акциядорларнинг) ёзма талабига кўра акциядорларнинг навбатдан ташқари умумий йиғилишини чақириш акциядорларнинг навбатдан ташқари умумий йиғилишини ўтказиш ҳақида ёзма талаб тақдим этилган кундан эътиборан ўттиз кундан кечиктирмай жамиятнинг Кузатув кенгаши томонидан амалга оширилади.

5.3. Акциядорларнинг навбатдан ташқари умумий йиғилишини ўтказиш тўғрисидаги талабда йиғилиш кун тартибига киритилиши керак бўлган масалалар уларни киритиш сабаблари кўрсатилган ҳолда таърифланган бўлиши керак.

5.4. Жамиятнинг Кузатув кенгаши жамият тафтиш комиссиясининг ёки жамият овоз берувчи акцияларининг камидаги беш фоизига эгалик қилувчи акциядорнинг (акциядорларнинг) талабига кўра чақириладиган акциядорларнинг навбатдан ташқари умумий йиғилиши кун тартибидаги масалаларнинг таърифига ўзгартишлар киритишга ҳақли эмас.

5.5. Акциядорларнинг навбатдан ташқари умумий йиғилишини чақириш тўғрисидаги талаб акциядордан (акциядорлардан) чиққан тақдирда, бу талабда умумий йиғилишини чақиришни талаб қилаётган акциядорнинг (акциядорларнинг) исми-шарифи (номи), унга тегишли акцияларнинг сони, тури кўрсатилган бўлиши лозим.

5.6. Акциядорларнинг навбатдан ташқари умумий йиғилишини чақириш тўғрисидаги талаб акциядорларнинг навбатдан ташқари умумий йиғилишини чақиришни талаб қилган шахс (шахслар) томонидан имзоланади.

5.7. Жамиятнинг тафтиш комиссияси ёки жамият овоз берувчи акцияларининг камидаги беш фоизига эгалик қилувчи акциядор (акциядорлар) акциядорларнинг навбатдан ташқари умумий йиғилишини чақириш тўғрисида талаб тақдим этган санадан эътиборан ўн кун ичидаги жамият Кузатув кенгаши акциядорларнинг навбатдан ташқари умумий йиғилишини чақириш тўғрисида ёки йиғилишини чақиришни рад этиш ҳақида қарор қабул қилиши керак.

5.8. Жамият тафтиш комиссиясининг ёки жамият овоз берувчи акцияларининг камида беш фоизига эгалик қилувчи акциядорнинг (акциядорларнинг) талабига кўра акциядорларнинг навбатдан ташқари умумий йиғилишини чақиришни рад этиш тўғрисидаги қарор қўйидаги ҳолларда қабул қилиниши мумкин, агар:

➤ акциядорларнинг навбатдан ташқари умумий йиғилишини чақиришни талаб килаётган акциядор (акциядорлар) қонунчиликда назарда тутилган миқдордаги жамият овоз берувчи акцияларининг эгаси бўлмаса;

➤ кун тартибига киритиш учун таклиф этилган масалалардан бирортаси ҳам акциядорлар умумий йиғилишининг ваколат доирасига кирмаса;

➤ кун тартибига киритиш учун таклиф этилган масала қонунчилик талабларига мувофиқ бўлмаса.

5.9. Жамият Кузатув кенгашининг акциядорларнинг навбатдан ташқари умумий йиғилишини чақириш тўғрисидаги қарори ёки бундай йиғилишни чақиришни рад этиш ҳақидаги асослантирилган қарори йиғилиш чақиришни талаб қилган шахсларга қарор қабул қилинган пайтдан эътиборан уч иш кунидан кечиктирмай юборилади.

5.10. Жамият Кузатув кенгашининг акциядорларнинг навбатдан ташқари умумий йиғилишини чақиришни рад этиш тўғрисидаги қарори устидан судга шикоят қилиниши мумкин.

5.11. Жамият Кузатув кенгаши қонунчиликда белгиланган муддат ичida акциядорларнинг навбатдан ташқари умумий йиғилишини чақириш тўғрисида қарор қабул қилмаган тақдирда ёки уни чақиришни рад этиш ҳақида қарор қабул қилган тақдирда, акциядорларнинг навбатдан ташқари умумий йиғилиши уни чақиришни талаб қилган шахслар томонидан чақирилиши мумкин. Бундай ҳолларда акциядорларнинг умумий йиғилишига тайёргарлик кўриш ва уни ўтказиш билан боғлиқ харажатларнинг ўрни акциядорлар умумий йиғилишининг қарорига кўра жамиятнинг маблағлари ҳисобидан қопланиши мумкин.

5.12. Кузатув кенгашининг ваколатларини муддатидан илгари тугатиш бўйича масалаларни кўриб чиқишида акциядорларнинг навбатдан ташқари умумий йиғилиши 7-иловага ассосан чақирилади.

6. УМУМИЙ ЙИҒИЛИШ КВОРУМИ

6.1. Агар акциядорларнинг умумий йиғилишида иштирок этиш учун рўйхатдан ўтказиш тугалланган пайтда жамиятнинг жойлаштирилган овоз берувчи акцияларининг жами эллик фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг умумий йиғилиши ваколатли (кворумга эга) бўлади.

6.2. Акциядорларнинг умумий йиғилишини ўтказиш учун кворум бўлмаса, акциядорларнинг такрорий умумий йиғилишини ўтказиш санаси эълон қилинади. Акциядорларнинг такрорий умумий йиғилишини ўтказишида кун тартибини ўзгартиришга йўл қўйилмайди.

6.3. Агар акциядорларнинг ўтказилмай қолган йиғилиши ўрнига чақирилган такрорий умумий йиғилишида иштирок этиш учун рўйхатдан ўтказиш тугалланган пайтда жамиятнинг жойлаштирилган овоз берувчи акцияларининг жами қирқ фоизидан кўпроқ овозига эга бўлган акциядорлар (уларнинг вакиллари) рўйхатдан ўтган бўлса, акциядорларнинг такрорий умумий йиғилиши ваколатли бўлади.

6.4. Акциядорларнинг такрорий умумий йиғилишини ўтказиш тўғрисида хабар қилиш қонунчиликда назарда тутилган муддатларда ва шаклда амалга оширилади.

6.5. Кворум бўлмаганлиги сабабли акциядорларнинг умумий йиғилишини ўтказиш санаси йигирма кундан кам муддатга кўчирилган тақдирда, умумий йиғилишда иштирок

этиш ҳуқуқига эга бўлган акциядорлар ўтказилмай қолган умумий йиғилишда иштирок этиш ҳуқуқига эга бўлган акциядорларнинг реестрига мувофиқ аниқланади.

7. УМУМИЙ ЙИҒИЛИШНИНГ ИШЧИ ОРГАНЛАРИ ВА УНИ ОЛИБ БОРИШ ТАРТИБИ

7.1. Умумий йиғилишнинг раиси (раёсати), саноқ комиссияси ва котибият умумий йиғилиш ишчи органлари ҳисобланади.

7.2. Умумий йиғилишнинг раиси (раёсати) ва котиби акциядорлар умумий йиғилиши томонидан сайланадилар. Бунда акциядорлар умумий йиғилиши раёсатининг таркибига Кузатув кенгаш раиси киради.

7.3. Акциядорлар умумий йиғилиши раиси акциядорлар умумий йиғилишида сайланади, йиғилишни олиб борилишини таъминлайди ва бунинг учун у ўз вазифаларини зарур тартибда бажарилиши учун лозим бўлган барча ваколатларга эга бўлади.

7.4. Умумий йиғилиш раиси йиғилишнинг боришига раҳбарлик қиласди, Умумий йиғилиш ишчи органлари ишни мувофиқлаштиради, масалаларни муҳокама қилиш тартибини белгилайди, маъruzачиларнинг нутқ сўзлашлари вақтини чегаралайди, йиғилишни олиб бориш ва овоз бериш давомида тушунтиришлар беради, залда тартиб ўрнатилишини назорат қиласди.

7.5. Умумий йиғилиш раиси умумий йиғилиш баёни ва қарорини имзолайди.

7.5.1 Умумий йиғилиши раисига акциядорлар умумий йиғилишини видеога ёзиб олиш ва интернет тармоғида трансляция қилишни амалга ошириш ваколати берилади.

7.6. Овозларни санаб чиқиши, акциядорларнинг умумий йиғилишида иштирок этиши учун акциядорларни рўйхатга олиш, шунингдек овоз бериш бюллетенларини тарқатиш учун жамият Кузатув кенгаси томонидан саноқ комиссияси тузилиб, унинг аъзолари сони ва шахсий таркиби акциядорларнинг умумий йиғилиши томонидан тасдиқланади.

7.7. Саноқ комиссиясининг таркиби камида уч кишидан иборат бўлиши керак. Саноқ комиссияси таркиби жамият Кузатув кенгасининг аъзолари, тафтиш комиссиясининг аъзолари, жамият Бошқаруви аъзолари, шунингдек ана шу лавозимларга номзоди кўрсатилган шахслар кириши мумкин эмас.

7.8. Саноқ комиссияси акциядорларнинг умумий йиғилишида кворум бор ёки йўқлигини аниқлайди, умумий йиғилишда овоз бериш ҳуқуқларининг акциядорлар (уларнинг вакиллари) томонидан амалга оширилиши муносабати билан юзага келадиган масалаларни тушунтиради, овозга қўйиладиган масалалар бўйича овоз бериш тартибини тушунтиради, овоз беришнинг белгиланган тартиби ва акциядорларнинг овоз беришда иштирок этиш ҳуқуқларини таъминлайди, овозларни санаб чиқади ва овоз бериш якунларини чиқаради, овоз бериш якунлари тўғрисида баённома тузади, овоз бериш бюллетенларини жамиятнинг архивига топширади.

7.9. Акциядорларнинг умумий йиғилишида овоз бериш «жамиятнинг овоз берувчи битта акцияси — битта овоз» принципи бўйича амалга оширилади, жамиятнинг Кузатув кенгаси аъзоларини сайлаш бўйича кумулятив овоз беришни ўтказиш ҳоллари бундан мустасно.

7.10. Акциядорларнинг умумий йиғилишида кун тартибидаги масалалар бўйича овоз бериш овоз бериш бюллетенлари орқали ёки ахборот-коммуникация технологияларидан фойдаланган ҳолда масофадан туриб амалга оширилади.

7.11. Овоз бериш бюллетенларининг шакли ва матни ушбу Низомнинг 2-иловасида кўрсатилган шаклида жамиятнинг Кузатув кенгаси томонидан тасдиқланади, акциядорларнинг навбатдан ташқари умумий йиғилиши жамият Кузатув кенгаси томонидан чақирилмаган ҳоллар бундан мустасно. Овоз бериш бюллетени умумий йиғилишда иштирок этиши учун рўйхатдан ўтган акциядорга (унинг вакилига) берилади.

7.12. Овоз бериш бюллетенида: жамиятнинг тўлиқ фирма номи, акциядорлар умумий йиғилишини ўтказиш санаси, вақти ва жойи, овоз беришга қўйилган ҳар бир масаланинг таърифи ва уни кўриб чиқиши навбати, овоз беришга қўйилган ҳар бир масала бўйича «ёқлайман», «қаршиман» ёки «бетарафман» деган мазмундаги сўзлар билан ифодаланган овоз бериш варианatlари кўрсатилган бўлиши (бундан овоз беришга қўйилган масалага «ёқлайман» деган мазмундаги сўз билан ифодаланадиган кумулятив овоз бериш мустасно), овоз бериш бюллетени акциядор (унинг вакили) томонидан имзоланиши лозимлиги тўғрисидаги кўрсатма бўлиши керак.

7.13. Жамиятнинг Кузатув кенгаши ёки тафтиш комиссияси аъзосини сайлаш тўғрисидаги масала юзасидан овоз бериш ўтказилган тақдирда, овоз бериш бюллетенида номзод тўғрисидаги маълумотлар, унинг фамилияси, исми, отасининг исми кўрсатилиши лозим.

Акциядорларнинг умумий йиғилишида кун тартибидаги масалалар бўйича ахборот-коммуникация технологияларидан фойдаланган ҳолда масофадан туриб овоз берилганда овоз бериш бюллетенларидан фойдаланилмайди. Бунда овозга қўйилган масалалар бўйича қабул қилинган қарорнинг қонунийлиги акциядорни акциядорларнинг умумий йиғилишида иштирок этиш учун рўйхатга олишда фойдаланиладиган электрон рақамли имзо билан тасдиқланади.

7.14. Овоз берилганида овоз берувчи қайси масала бўйича эҳтимол тутилган овоз бериш варианtlаридан факат биттасини қолдирган бўлса, ўша масала бўйича берилган овозлар ҳисобга олинади. Мазкур талабни бузган ҳолда тўлдирилган овоз бериш бюллетенлари хақиқий эмас деб топилади ва улардаги масалалар бўйича берилган овозлар ҳисобга олинмайди.

7.15. Агар овоз бериш бюллетенида овозга қўйилган бир нечта масала кўрсатилган бўлса, бир ёки бир нечта масалага нисбатан қонунчиликда кўрсатилган талабга риоя этилмаганлиги бюллетеннинг умуман ҳақиқий эмас деб топилишига сабаб бўлмайди.

7.16. Овоз бериш якунлари бўйича саноқ комиссияси овоз бериш якунлари тўғрисида саноқ комиссияси аъзолари томонидан имзоланадиган баённома тузади. Овоз бериш якунлари тўғрисидаги баённома акциядорлар умумий йиғилишининг, шу жумладан ахборот-коммуникация технологияларидан фойдаланган ҳолда масофадан туриб ўтказиладиган умумий йиғилишининг кворуми мавжудлиги ҳақидаги маълумотни ўз ичига олади.

7.17. Овоз бериш якунлари тўғрисидаги баённома тузилганидан ва акциядорлар умумий йиғилишининг баённомаси имзоланганидан кейин акциядорларнинг қоғоздаги ёки электрон жисмдаги овоз бериш бюллетенлари саноқ комиссияси томонидан муҳрланади ва жамият архивига сақлаш учун топширилади.

7.18. Овоз бериш якунлари тўғрисидаги баённома акциядорлар умумий йиғилишининг баённомасига қўшиб қўйилиши лозим.

7.19. Овоз бериш якунлари акциядорларнинг овоз бериш ўтказилган умумий йиғилишида ўқиб эшиттирилади, шунингдек акциядорларнинг умумий йиғилиши ёпилганидан кейин овоз бериш якунлари тўғрисидаги хисботни эълон қилиш орқали акциядорлар эътиборига етказилади.

7.20. Акциядорлар умумий йиғилишини олиб бориш тартиби акциядорларнинг ҳар бир умумий йиғилишида мазкур низомга мувофиқ тасдиқланади.

7.21. Акциядорларнинг йиллик умумий йиғилишида сайланган саноқ комиссияси бир йил давомида агар таркибида ўзгариш бўлмаса кейин бўладиган навбатдан ташкари умумий йиғилишларда ҳам ўз фаолиятини давом эттиради. Саноқ комиссияси умумий йиғилишга келган акциядорларни рўйхат бўйича овозларини ҳисоблаб чиқиб, йиғилиш кворумини аниқлайди.

7.22. Кузатув кенгаш раиси умумий йиғилишни очиб, аввал саноқ комиссиясига сўз беради, йиғилиш кворуми бўйича саноқ комиссияси ахбороти тинглангандан сўнг, йиғилишни очиқ деб эълон қиласди, йиғилиш раиси ва котибини, саноқ комиссияси аъзоларини сайлашни таклиф этади.

7.23. Акциядорлар ташаббусига кўра чақирилган умумий йиғилиш йиғилишни чақирилган шахслар томонидан юқорида қайд қилинган тартибда олиб борилиши мумкин.

7.24. Умумий йиғилишни олиб бориш тартиби йиғилишнинг бошланиши ва тахминан тамом бўлиши вақтини, нутқлар қанча давом этиши ва танаффусларни, кун тартиби масалаларининг изчиллигини, кун тартиби масалалари бўйича маърузачиларнинг фамилиялари ва лавозимларини, овоз беришни амалга ошириш ва унинг натижаларини эълон қилиш тартибини назарда тутади.

7.25. Йиғилиш давомида пайдо бўлувчи жорий масалаларни раис мухокама қилинаётган масала бўйича акциядорлар умумий йиғилишида бош принципдан: ҳар бир қатнашчининг белгиланган вақт доирасида сўзга чиқиш ҳукуқидан фойдаланиши мумкинлигидан келиб чиқиб яккабошчилик билан ҳал этилади.

7.26. Кун тартибидаги масалаларни мухокама қилишда қатнашиш истагини билдирганлар умумий йиғилиш котибига мухокама қилинадиган масалани кўрсатган ҳолда буюрманома берадилар.

7.27. Кун тартибининг барча масалалари мухокама қилингандан кейин йиғилиш раиси акциядорлар умумий йиғилишини ёпиқ деб эълон қиласди.

8. АКЦИЯДОРЛАР УМУМИЙ ЙИҒИЛИШИ БАЁНИ

8.1. Умумий йиғилиш котиби акциядорлар умумий йиғилиши томонидан сайланади.

8.2. Котиб номзодини аниқлашга нисбатан мазкур низомнинг 7.7. бандига мувофиқ саноқ комиссияси аъзоларини тайинлашга қўйиладиган талабларга ўхшаш талаблар қўйилади.

8.3. Умумий йиғилиш котиби:

- умумий йиғилишнинг боришини баёнга қайд этиб боради;
- ёзма буюрманомалар бўйича йиғилиш кун тартиби масалаларини мухокама қилишда қатнашиш истагини билдирувчилар рўйхатини олиб боради;
- умумий йиғилиш ёпилганидан кейин ўн кундан кечиктирмай акциядорлар умумий йиғилишининг баённомасини икки нусхада тузади.

8.4. Акциядорлар умумий йиғилишининг баённомасида:

- акциядорларнинг умумий йиғилиши ўтказилган сана, вақт ва жой;
- жамиятнинг овоз берувчи акцияларига эгалик қилувчи акциядорлар эга бўлган овозларнинг умумий сони;
- умумий йиғилишда иштирок этган акциядорлар эга бўлган овозларнинг сони;
- умумий йиғилишнинг раиси (раёсати) ва котиби, йиғилиш кун тартиби кўрсатилиди;

8.5. Акциядорлар умумий йиғилишининг баённомасида маърузаларнинг асосий қоидалари, овозга қўйилган масалалар ҳамда улар юзасидан ўтказилган овоз бериш якунлари, йиғилиш қабул қилган қарорлар кўрсатилиши лозим.

8.6. Акциядорлар умумий йиғилишининг баённомаси акциядорларнинг умумий йиғилиши ёпилганидан кейин ўн кундан кечиктирмай икки нусхада тузилади. Ҳар иккала нусха ҳам умумий йиғилишда раислик қилувчи ва умумий йиғилиш котиби томонидан имзоланади.

8.7. Саноқ комиссияси баёни акциядорлар умумий йиғилишининг маҳсус қарори билан тасдиқланмайди, балки маълумот учун қабул қилинади ҳамда умумий йиғилиш баённомасига тикиб қўйилиши керак.

9. АКЦИЯДОРЛАР УМУМИЙ ЙИГИЛИШИ ҚАРОРЛАРИНИ БАЖАРИШ

9.1. Акциядорлар умумий йигилиши қарорлари бажарилиши устидан назорат қилишни, башарти йигилиш қарорида ўзгача ҳол қайд этилмаган бўлса ва баёнда акс эттирилмаган бўлса, жамият Кузатув кенгаши амалга оширади.

9.2. Акциядорлар умумий йигилишининг қарорлари умумий йигилишда ҳозир бўлган, шунингдек ҳозир бўлмаган барча акциядорлар томонидан, уларга тегишли қисми бўйича бажарилиши мажбурийдир.

10. ЯКУНЛОВЧИ ҚОИДАЛАР

10.1. Мазкур низом талабларини бузган шахслар қонун хужжатларига мувофиқ жавобгар бўладилар.

10.2. Агар мазкур Низомнинг бирон бир моддаси Ўзбекистон Республикасининг амалдаги қонунчилиги ва/ёки Жамият Устави билан мос келмай қолса, ушбу моддалар ўз кучини йўқотган хисобланади ҳамда мазкур Низомга мос ўзгартиришлар киритилгунча ушбу моддалардаги масалалар бўйича Ўзбекистон Республикасининг амалдаги қонунчилиги ва/ёки Жамият Уставига мувофиқ иш юритилади.

Акциядорларнинг умумий йигилиши
тўғрисидаги Низомга **1-илова**

**«QO'QON BIORKIMYO» aksiyadorlik jamiyatি акциядорларининг _____йил
_____да
ўтказиладиган йиллик (навбатдан ташқари) умумий йигилишининг
қайд қилиш рўйхати**

Т/р	Акциядор фамилияси, исми, отасининг исми (номи)	Депо хисоб рақами	Овоз берувчи акцияла р сони	Акциядор имзоси	(вакил бор бўлса, тўлдирилади)				
					Вакил фамилияси, исми, отасининг исми (номи)	Ишончн ома рақами	Ишончн ома берилган сана	Овоз берувчи акциялар сони	Вакил имзоси
1	2	3	4	5	6	7	8	9	10

Умумий йигилишнинг барча рўйхатдан ўтказилган қатнашчилари киши _____, овоз
берувчилар _____

Кворум мавжудлиги (овоз берувчи акцияларнинг умумий сонидан фоизларда) _____%.

Саноқ комиссияси аъзоларининг имзолари:

Акциядорларнинг умумий йиғилиши
тұғрисидаги Низомга **2-илова**

20 ____ йил « « _____ да
акциядорларнинг йиллик (навбатдан ташқари) умумий
йиғилишида овоз бериш учун «QO'QON BIODIMYO» aksiyadorlik jamiyati
нинг _____ та овоз берувчи акцияларига егалик қылувчи акциядорининг ____ сон*
бюллетени

№	Күн тартибидаги масалалар	Овоз бериш варианлари (керак бўлмаганини ўчириринг)**		
1		Ёқлайман	Қарши	Бетараф
2		Ёқлайман	Қарши	Бетараф
3		Ёқлайман	Қарши	Бетараф

Фамилияси, исми ва отасининг исмининг бош ҳарфлари

(имзо)

* Қайд этиш рўйхати бўйича акциядорнинг рақами кўрсатилади.

** Овоз бериш варианларидан фақат биттасини қолдирилади.

Овозлар сони _____ x = _____

№	Номзод ФИО	Номзод учун берилган овозлар сони
1		
2		
3		
4		

Акциядор (Акциядорнинг вакили) (ФИО) _____

Имзоси

Бюллетен Акциядор(Акциядорнинг вакили) томонидан имзоланиши шарт.

Акциядорларнинг умумий йигилиши
тўғрисидаги Низомга **З-илова**

ИШОНЧНОМА

Мен, _____ «QO'QON BIOKIMYO» aksiyadorlik jamiyatining
_____ та оддий акцияларига (ва _____ та имтиёзли акцияларига эгаллик қилувчи)
менга тегишли барча акциялар билан овоз беришда
акциядорлар йигилишида менинг манфаатларимни ифодалаш учун _____ га
ишонч билдираман.

Менинг манзилим:

Вакилнинг манзили:

Паспорт
серия _____ № _____

Паспорт
серия _____ № _____

берилган _____

берилган _____

Ишончнома 20 ____ йил «____» _____ дан 20 ____ йил «____»гача ҳақиқийdir.
Акциядорнинг имзоси _____ Сана _____
Акциядорнинг шахсий имзосини тасдиқлайман.

Нотариус _____

Имзо _____ Сана _____

М.Ў.

Акциядорларнинг умумий йиғилиши
тўғрисидаги Низомга **За-илова**

ИШОНЧНОМА

Мен, _____ «QO'QON BIOKIMYO» aksiyadorlik jamiyati
нинг акциядори хисобланувчи, _____ та оддий акцияга (ва _____ та имтиёзли акцияга)
эгалик қилувчи _____

(юридик шахснинг номи)

_____ нинг раҳбари (директори, раис) _____ фуқаро
_____ га акциядорлар йиғилишида барча тегишли акциялар билан
_____ нинг манфаатларини ифодалашга ишонч билдираман.

(юридик шахс номи)

Акциядорнинг манзили:

Вакилнинг манзили:

Банк реквизитлари:

Паспорт серия № _____

20 ____ йил «____» _____ дан 20 ____ йил «____» _____ гача амал қиласди.

Раҳбарнинг имзоси _____

Сана _____

М.Ҷ.

Билдиришнома

Хурматли

_____ манзилида жойлашган «QO'QON BIOKIMYO» aksiyadorlik
jamiyati _____ (телефон) Сизга 20____»____
соат_____ минутда_____ манзилида жойлашган
акциядорлик жамияти акциядорларининг йиллик (навбатдан ташқари) умумий йигилиши
бўлиши ҳақида маълум қиласди.

Умумий йигилишда қатнашиш хукуқига эга бўлган акциядорлар рўйхати 20____йил
«____»_____ даги ҳолатига кўра тузилади. Электрон почта манзили:

Йигилиш кун тартибига қўйидаги масалалар киритилган:

- 1.
- 2.
- 3.

Акциядорларнинг умумий йигилиши ўтказилишига тайёргарлик кўриш даврида Сиз
_____ манзил ёки _____ телефон ва _____ сайт
орқали акциядорлар умумий йигилишининг қўйидаги материаллари билан танишишингиз
мумкин:

- 1.
- 2.
- 3.

Ёнингизда паспорт ёки шахсни тасдиқловчи гувохнома бўлиши сўралади.

«QO'QON BIOKIMYO» aksiyadorlik jamiyati Кузатув кенгаши.

Акциядорларнинг умумий йиғилиши
тўғрисидаги Низомга **5-илова**

Акциядор _____
Ф.И.О.

жамиятнинг _____ фоиз овоз берувчи акциялари эгасидан, паспорт серияси _____
рақами _____ йил _____ да _____ ИИБ томонидан берилган,
жамиятнинг _____ фоиз овоз берувчи акциялари эгаси «QO'QON BIOKIMYO» aksiyadorlik
jamiyati акциядорлар умумий йиғилиши кун тартибига масалани киритиш тўғрисидаги

ТАКЛИФИ.

Бу йил ўтказиладиган акциядорларининг йиллик умумий йиғилиши кун тартибига
муҳокама қилиш учун қўйидаги масалаларни киритишни таклиф қиласман:

Йиғилиш кун тартибидаги 20 _____ йил учун Кузатув кенгаши ва тафтиш комиссияси
аъзоларини сайлаш масаласи бўйича қўйидаги номзодларни таклиф қиласман:

Т/р	Номзод фамилияси, исми, отасининг исми	Овоз берувчи акциялар сони	Кайси органга
			Кузатув кенгаши аъзолигига
			Тафтиш комиссияси аъзолигига

Имзо _____

Акциядорларнинг умумий йигилиши
тўғрисидаги Низомга **6-илова**

Акциядор _____
Ф.И.О.

жамиятнинг 5(беш)фоиз овоз берувчи оддий акциялари эгасидан ёки
акциядорлар(____)дона овоз берувчи оддий акциялари эгаси_____, ____дона овоз
берувчи оддий акциялари эгаси_____,лар)дан жамият акциядорларининг
навбатдан ташқари умумий йигилишини чақириш тўғрисида

ТАЛАБНОМА

Мен(Биз) Ўзбекистон Республикаси «Акциядорлик жамиятлари ва кциядорларнинг
хукуқларини ҳимоя қилиш тўғрисидаги Конунинг 65-моддаси талабига асосан
сабабли
20 ____йил ____кунга акциядорларининг навбатдан ташқари умумий йигилишини
чақиришингизни талаб қиласман(миз)

Навбатдан ташқари умумий йигилиши кун тартибига муҳокама қилиш учун қуйидаги
масалаларни киритишни таклиф қиласман(миз):

Ушбу талабни Конунда кўрсатилган муддатда кўриб чиқишишингизни ва жавоб
беришингизни сўрайман(миз)

Имзо_____

**Кузатув кенгаши ваколатларини муддатидан олдин тўхтатиш учун акциядорларнинг
навбатдан ташқари умумий йиғилишини ўтказишни ташкил этиш**

ТАРТИБИ

1. Мазкур тартиб акциядорлик жамиятини бошқаришда қатнашиш, акциядорлик жамиятининг жорий ваколатини унча яхши билмай ва ноҳалол бошқариш сабабли уларнинг манфаатларига зарар етказмаслик юзасидан уларнинг хуқуқларини ҳимоя қилишда акциядорларга амалий ёрдам кўрсатиш мақсадида «Акциядорлик жамиятлари ва акциядорларнинг хуқуқларини ҳимоя қилиш тўғрисида»ги Ўзбекистон Республикаси Конунига мувофиқ ишлаб чиқилган.

2. Кузатув кенгаши фаолиятини муддатидан олдин тўхтатиш масаласи бўйича акциядорларнинг навбатдан ташқари умумий йиғилишини чақириш учун қўйидагилар асос бўлади:

- Кузатув кенгаши қарори;
- жамият тафтиш комиссияси ёки аудиторининг талаби;
- талаб қўйилаётган санада жамиятнинг камида беш фоиз овоз берувчи акцияси эгаси ҳисобланган акциядор (акциядорлар) нинг талаби.

3. Кўйидагилар кўрсатиб ўтилган масалалар бўйича акциядорларнинг навбатдан ташқари умумий йиғилишини ўтказиш тўғрисидаги талабларнинг сабаби ҳисобланади:

➤ Ўзбекистон Республикаси қонун хужжатларига, жамият уставига, акциядорлар умумий йиғилиши қарорларига риоя қилмаслик;

➤ жамиятга зарар келтирсанлик, акциядорларнинг мулкий хуқуқларига зиён етказиш, шу жумладан ишлаб чиқариш молия-хўжалик фаолиятининг жиддий ёмонлашуви, фойда ва рентабелликнинг пасайиши, ишлаб чиқариш ва маҳсулотларни сотиш, ишлар, хизматлар кўрсатиш ҳажмларининг асоссиз равишда камайиб кетиши билан боғлик зиён етказганлик;

➤ жамиятнинг иқтисодий начорлиги (банкротлиги) белгилари мавжудлиги ёки уларнинг пайдо бўлиш хавфи, давлат бюджети, ходимларга иш ҳақи тўлаш бўйича бюджетдан ташқари жамғармалар олдидағи барқарор қарздорлик;

➤ Кузатув кенгаши аъзоларининг ўз вазифа ва бурчларини бажармаслиги, ўз мажбуриятларига совуқонлик билан ёндошиши, умуман фаолият кўрсатмаслиги.

4. Акциядорларнинг навбатдан ташқари умумий йиғилишини ўтказиш тўғрисидаги талаб Кузатув кенгашига берилади ва унда аниқ сабаблар ҳамда уларнинг асослилиги кўрсатилган ҳолда йиғилишнинг кун тартибига киритилиши керак бўлган масалалар бўлиши лозим.

5. Акциядорларнинг навбатдан ташқари умумий йиғилишини чақириш тўғрисидаги талабномада Кузатув кенгаши ваколатларини муддатидан олдин тўхтатиш тўғрисидаги масаладан ташқари, кун тартибига Кузатув кенгашининг янги таркибини сайлаш масаласини киритиш бўйича алоҳида таклиф бўлиши керак.

6. Акциядорларнинг навбатдан ташқари умумий йиғилишини чақириш тўғрисидаги талабнома акциядор (акциядорлар)дан тушган ҳолларда унда акциядорга тегишли акцияларнинг сони, тури кўрсатилган ҳолда йиғилиш чақиришни талаб қилаётган акциядор (акциядорлар)нинг исми-шарифи (номи) бўлиши керак.

7. Акциядорларнинг навбатдан ташқари умумий йиғилишини ўтказиш тўғрисидаги талабнома уни чақиришни талаб қилаётган шахс (шахслар) томонидан имзоланади.

8. Жамиятнинг Кузатув кенгаши акциядорларнинг навбатдан ташқари умумий йигилиши кун тартибидаги масалаларнинг таърифига ўзгартишлар киритишга ҳақли эмас ва ёзма талаб тақдим этилган кундан эътиборан ўттиз кундан кечиктирмай акциядорларнинг навбатдан ташқари умумий йигилишини ўтказиш ҳақида ёки талаб тақдим этган санадан эътиборан ўн кун ичida акциядорларнинг навбатдан ташқари умумий йигилишини чақириш тўғрисида ёки йигилишни чақиришни рад этиш ҳақида қарор қабул қилиши керак.

9. Жамият кузатув кенгашининг акциядорларнинг навбатдан ташқари умумий йигилишини чақириш тўғрисидаги қарори ёки бундай йигилишни чақиришни рад этиш ҳақида асослантирилган қарори йигилиш чақиришни талаб қилган шахсларга қарор қабул қилинган пайтдан эътиборан уч иш кунидан кечиктирмай юборилади.

10. Жамият Кузатув кенгашининг акциядорларнинг навбатдан ташқари умумий йигилишини чақиришни рад этиш тўғрисидаги қарори устидан судга шикоят қилиниши мумкин. Жамият Кузатув кенгаши қонунчиликда белгиланган муддат ичida акциядорларнинг навбатдан ташқари умумий йигилишини чақириш тўғрисида қарор қабул қилмаган тақдирда ёки уни чақиришни рад этиш ҳақида қарор қабул қилган тақдирда, акциядорларнинг навбатдан ташқари умумий йигилиши уни чақиришни талаб қилган шахслар томонидан чақирилиши мумкин. Бундай ҳолларда акциядорларнинг умумий йигилишига тайёргарлик кўриш ва уни ўтказиш билан боғлиқ харажатларнинг ўрни акциядорлар умумий йигилишининг қарорига кўра жамиятнинг маблағлари ҳисобидан қопланиши мумкин.